

四庫全書

子部

欽定四庫全書

子部  
語林卷十六

詳校官侍講學士臣法式善

侍讀臣孫球覆勘

覆校官中書臣田尹衡

校對官中書臣王家賓

謄錄監生臣朱學濂

欽定四庫全書

語林卷十六

明 何良俊 撰

賞譽第九

上

孔子嘗曰吾之於人誰毀誰譽如有所譽者其有所試則孔子但不毀人耳亦何嘗不譽人哉然必試耳余觀東漢喜標樹晉世好加獎飾然一時雖門閥子弟皆賢可施於行列昔人以爲名者摩世厲鈍之具豈不信哉善乎龐士元之言曰欲興風俗長道業不美其談即聲

名不足企慕而爲善者少今拔十失五猶得其半而可以崇邁世教使有志者自勵夫古多善俗或者用此道也後世欲以深文苛議激振頽風然一遭譏貶而賢者率多自棄嗚呼有世道之責者可無加之慮哉

賈景伯與班固並校秘書景伯母常有疾帝欲加賜以校書例多特以錢二十萬使潁陽侯馬防與之語防曰賈達母病此子無人事於外屢空則從孤竹之子於首陽山矣

范曄後漢書曰賈達字景伯扶風平陵人自爲兒童常在太學不通人間事身長八尺二寸諸

儒為之語曰問  
事不休賈長頭

賈偉節兄弟三人並有高名偉節最優時人為之語曰

賈氏三虎偉節最怒

泰山松後漢書曰賈彪字偉節少遊京師與郭林宗為談論之首一

言一行天下以為準的黨事起彪謂同志曰吾不西行大難不解即入關設方畧天子為之大赦

或問汝南范孟博

范滂已見

郭林宗何如人范曰隱不違親

貞不絕俗天子不得臣諸侯不得友吾不知其他

范曄後漢

書曰郭泰字林宗太原介休人家貧早孤母使給事縣庭林宗曰大丈夫安能處斗筲之役乎就屈伯彥學三年博通墳籍游洛陽見李膺膺大奇之遂相友善名震京師後歸鄉里諸儒送至河上車數千兩林宗與李膺

同舟而濟衆賓  
望之以爲神仙

東國宗敬蔡中郎不言名咸稱蔡君兗州陳留並圖畫  
形像爲之目曰文同三閭孝齊參騫

世目陳仲舉

陳蕃已見

昂昂如千里驥周孟玉

周瑋已見

瀏瀏如

松下風

世說作世目李元禮謾謾如勁松下風

一云世目潁川李府君

李膺已見

頽頽如玉山汝南陳仲舉

軒軒如千里馬南陽朱公叔

朱穆已見

飄飄如行松栢之下

潁川爲之目曰荀氏八龍慈明

荀爽已見

無雙

范曄後漢書曰荀淑字季

和為朗陵侯相莅事明理稱為神君卒年六十七李膺  
自表師喪去官生八子儉鯤靖煮汪爽肅勇並有名稱  
時人謂之八龍初荀氏舊里名西豪潁陰令苑康以為  
昔高陽氏有才子八人今荀氏亦有八子遂改曰高陽  
里

趙戩遭三輔喪亂客於荊州州牧劉表以為賓客

典略曰趙

戩字叔茂京兆長陵人質而好學言稱詩書愛恤於人  
不論疎密辟公府入為尚書選部郎董卓欲以所私並  
充臺閣戩拒不聽卓怒欲殺之戩引辭正色卓雖凶戾  
屈而謝之故將王允被害戩棄官收斂三輔亂戩客荊  
州劉表以為賓客曹公平荊州執爾時禰正平張騰文  
戩手曰何相見之晚遂辟為掾禰正平字正平張騰文  
禰衡字正平平原般人少有來游京師范曄後漢書曰  
才辭氣尚剛傲好矯時慢物興平中衡避難

荊州建安初  
來遊許下

詆訾朝士謂無復人反南見戢歎曰所謂

劍則干將莫邪木則椅桐梓漆人則顏冉仲弓也

阮元瑜少有雋才應機捷麗嘗就蔡伯喈學蔡歎曰童

子奇才朗朗無雙

平原陶丘洪

青州先賢傳曰陶丘洪字子休平原人清  
達博辯文冠當代舉孝廉不行辟太尉府

年三  
十卒

舉劉正禮爲茂才

范曄後漢書曰劉繇字正禮東  
萊牟平人父寵會稽太守繇爲

揚州牧時袁術據淮南繇移居曲阿值中國喪亂士友南  
奔攜接收養與同優劇甚得名稱袁術遣孫策攻破繇

奔豫  
章

是公山弟

范曄後漢書曰劉岱字公山董卓入洛  
陽岱從侍中出爲兗州刺史虛已愛物



為士人所附初平三年黃巾轉入東平岱擊之戰死刺史曰前年舉公山柰何復

舉正禮洪曰若使明君用公山於前擢正禮於後所謂

御二龍於長途騁騏驎於千里何所復難

陳長文

陳群別見

與孔文舉共論汝潁人士陳曰荀文若

荀

已公達

魏春秋曰荀攸字公達為尚書令從太祖征伐常謀謨幃幄時人及子弟莫知其所言太祖每

稱之曰公達外愚內智外怯內勇外弱內強不伐善無施勞智可及愚不可及雖顏子甯武不能過與鍾繇善

繇言我每有所行反覆思惟自謂無以易以咨公達輒復過人意

休若

荀氏家傳曰荀衍字休若或第

三兄

友若

荀諶字友若或第四兄袁紹在冀州以諶為謀主

仲豫

荀氏家傳曰荀悅字仲豫

或從父兄也父儉朗陵長祖淑朗陵侯相張璠漢紀  
曰悅清虛沉靜善於著述建安初為秘書監被詔刪漢  
書作漢紀三十篇因事以明臧  
否致有典要其書大行於世  
當今並無對

脂元升以哭孔文舉尸魏太祖收欲治罪以其事直見  
原元升後見太祖陳謝前愆太祖呼其字曰元升卿故

慷慨

魚豢魏畧曰脂習字元升京兆人公府辟舉高第  
天子西遷及詣許昌習常隨從與少府孔融親善

太祖為司空威德曰盛融書疏倨傲習常責融欲令改  
節融被誅時許中百官與融親善者莫敢收恤習獨撫  
而哭之曰文舉卿舍我  
死我當復與誰語者

魏文帝初受漢禪群臣皆揚魏德衛臻獨稱漢美文帝

曰天下之珍當與山陽共之

曹子建七步成章世目爲繡虎目王仲宣爲泥下潛蛙  
龐德公目諸葛孔明爲卧龍龐士元爲鳳雛司馬德操  
爲水鏡

諸葛武侯甚知蔣琬用爲長史常曰公琰托志忠雅當  
與吾共贊王業者也

鍾士季

鍾會已見

入蜀甚知姜伯約謂長史杜元凱曰

杜氏新書

曰杜預字元凱司馬宣王女婿王隱晉書曰預智謀淵博明於理亂常稱德者非所企及立功立言所庶幾

也著左氏集解又參考衆家謂之釋例作盟會圖春秋  
長歷成一家學摯虞甚重之曰左丘明本為春秋作傳  
而左傳遂自孤行釋例本為以伯約比中土名士公休  
傳設而所發明何但左傳

太初

諸葛誕夏侯  
玄並已見

不能過也

蜀志曰姜維字伯約天水  
冀人少與母居好鄭氏學

傳子曰維好立功名陰養死士不修布衣之業孫  
盛雜紀曰初姜維詣亮與母相失復得母書令求當歸

維曰良田百頃不在一畝但有遠志不在當歸也蜀

志曰亮辟維為奉義將軍與長史張裔叅軍蔣琬書曰

姜伯約忠勤時事思慮精密考其所有永南季常諸人  
不如也卻正論曰姜伯約據上將之重處群臣之右

宅舍敝薄資財無餘側室無妾媵之褻後庭無聲樂之  
娛衣服取供興馬取備飲食節制不奢不約官給費用  
隨手消盡察其所以然者非激貪厲濁抑情自割也直  
謂如是為足不在多求凡人之談常譽成毀敗扶高抑

下咸以姜維投厝無所身死宗滅以是貶削不復料擿異乎春秋褒貶之義矣如姜維之樂學不倦清素節約自一時之儀表也

張子綱

張絃已見

與孔北海書言虞仲翔前頗爲論者所侵

美寶爲質雕磨益光不足以損

管公明言與裴使君

裴徽已見

何鄧二尚書

何晏鄧颺並已見

劉太

常

劉寔已見

兄弟語使人神思清發昏不假寐自此以還殆

白日欲寢矣

晉書曰劉寔弟名智字子房貞素有凡風少貧負薪自給讀誦不輟以儒行稱

或問焦先於皇甫士安士安曰曠然以天地爲棟宇閭

然合至道之前出群形之表入玄寂之幽一世之人不足以挂其意四海之廣不足以回其顧妙乎與三皇之先者同矣結繩已來未及其至也豈群言之所能髣髴

常心之所能測量哉

皇甫謐高士傳曰世莫知焦先所出或言漢末無父母兄弟見漢衰

乃不言常結草為廬冬夏袒露垢污如泥後野火燒其廬先因露寢遭大雪袒卧不移人以為死就視如故

陸士衡與弟士龍俱有雋才張司空

張華見見而悅之常

曰伐吳之利在獲二雋

山公目嵇叔夜巖巖如孤松之獨立

嵇君道

嵇含已見

云吾在洛嘗與二陸談

陸機陸雲並已見

覺辭少

理暢語約事舉莫不豁然若春日之判薄冰秋風之掃

枯葉

世目鄧士載爲伏鸞陸士龍爲隱鵠

衛伯玉明識清允傳蘭碩

傅嘏已見

極貴重之比之甯武子

晉書曰衛瓘字伯玉河東安邑人父覬魏尚書瓘十歲喪父至孝過人性貞靜有名理在位以任職稱鄧艾鍾會伐蜀瓘以侍中持節監艾會軍事

張茂先甚重成公簡

王隱晉書曰成公簡字宗舒東郡人世二千石性清素不求榮利潛

心味道固有其志者由是默識過人

嘗曰公簡清靜比揚子雲

揚雄自敘曰雄

為人簡易佚宕默而好深湛之思清淨無為不汲汲於富貴不戚戚於貧賤不修廉隅以徵名當世無擔石之儲晏如也自有大度非聖哲之書

默識擬張安世

班固漢書

曰張安世字子孺少以父任為郎以善書給事尚書精力於職休沐未嘗出上幸河東亡書三篋詔問莫能知唯安世識之具述其事後以相校無所遺失上奇其才擢為尚書令

顧彥先少有珪璋符采朗澈弱冠仕吳為黃門郎當時後進盡相推許稱為大才令望

衛叔寶是樂彥輔壻

衛玠樂廣

並有海內之名裴叔道嘗稱



之曰婦翁冰清女壻璧潤

裴遐已見

周中丞

弼

目裴逸民曰裴公若武庫五兵縱橫

晉諸公贊曰裴

顧字逸民談理與王夷甫不相推下嘗疾世俗尚虛無之理故著崇有論以折之才博喻廣學者不能究後樂廣與顧清談欲說理顧辭喻豐博廣自以體尚虛無笑而不言

山季倫薦蔡克於王太尉曰蔡子尼今之正人太尉以書示衆曰山子以正字拔人然未易可稱後太尉聞克

在選曰山子正人之言驗於今矣

山簡王衍蔡克並已見

王平子風韻邁達甚爲從兄濬冲夷甫所知四海士人

一爲平子品目則二兄不復措意云已經平子

晉諸公贊曰王

澄字平子有達識仕至荊州刺史

王大將軍甚重王太尉常稱之曰夷甫處衆中如珠玉

在瓦石間

王武子爲本州大中正

晉諸公贊曰王濟字武子太原晉陽人司徒渾第二子也有雋

才能清言起家

訪問關求孫子荆品狀

張隲文士傳曰孫楚字子荆太

原中都人

晉陽秋曰楚驃騎將軍資之孫南陽太守宏之子仕至馮翊太守

王曰此人非鄉

評之所能名乃自爲之目曰天才英博亮拔不群

王東海清虛寡欲無所修尚言理辯物但明其指要而不飾文辭一時服其約而能通王太尉雅貴重之比之

南陽樂廣

王承王夷甫並已見

世目杜弘治清標令上

晉陽秋曰杜乂字弘治京兆人祖預父錫有譽前朝乂少有令

名仕丹陽丞成帝納乂女為后

世說曰有人目杜弘治標鮮清令盛德之風可樂詠也語林曰有人目杜弘治標鮮甚清令初若熙怡容無韻盛德之風可樂詠也二說與此並小異

世目阮遙集風韻踈誕少有門風

謝太傅云小時在殿廷會見王丞相便覺清風來拂人

諸葛道明

諸葛恢已見

初過江名稱亞於王丞相庾太尉

王導

庾亮

丞相甚知之嘗謂曰明府終爲黑頭公

王丞相拜司空時諸葛道明在坐丞相指所著冠語道明曰君當復著此

蔡司徒甚重劉王喬

劉疇已見

常歎曰劉王喬若過江司徒

公之美選也

蔡司徒別傳曰謨字道明濟陽考城人博學有識避地江左歷左光祿錄尚書事揚

州刺史

高坐和尚天姿高朗風韻邁邁甚爲王丞相所知周僕

射

周顓已見

領選撫其背曰若選得此賢令人無恨

高坐別傳曰和

尚胡名尸黎密西域人傳云國王子以國讓弟遂爲沙門永嘉中到中土止於大市中王丞相一見奇之以爲吾之徒也周侯遇害和尚對其靈坐作胡祝數千言音聲高暢既而揮涕收淚其哀樂廢興皆此類性高簡不學晉語諸公與之言皆因傳譯神領意得頗在言前塔寺記曰尸黎密冢曰高坐在石子岡常行頭陀卒於梅岡即葬焉晉明帝於冢邊立寺因名高坐

周僕射神彩秀澈正體嶷然儕輩不敢褻汝南賁泰淵

通清操之士嘗歎曰汝賴固多賢士自頃陵遲雅道殆衰今復見周伯仁將復舊風清我邦族矣

桓茂倫見謝太傅小時歎曰此兒風神秀澈後當不減

王東海

桓彞謝安王承並已見

王世將高朗豪率王丞相庾太尉遊于石頭會世將至爾日迅風飛颿世將倚船樓長嘯神氣甚逸丞相謂太

尉曰世將爲復識事太尉曰正足舒其逸耳

王庾別傳曰庾字世

將祖覽父正稟性倨傲不合己者面拒之故爲物所疾加平南將軍

李充言潘安仁之文如翔禽之羽毛衣被之綃縠

庾公目王右軍清貴有鑒裁

按世說云殷中軍道右軍清鑒貴要與此語復小異

世人語曰大才槃槃謝家安江東獨步王文度盛德日

新郗嘉賓

世說作揚州獨步王文度後來出人郗嘉賓無上謝安一句

支道林清談著名一時風流貴勝莫不崇敬以爲造微之功足叅正始然獨重郗嘉賓稱爲一時之雋

支道林談善標宗會而章句或有所遺時爲守文者所陋謝太傅聞而善之曰此乃九方歎之相馬畧其玄黃

取其駿逸

王長史

王濛已見

問孫興公

中興書曰綽字興公太原中都人少以文稱歷太學博士大著

作散騎常侍

郭子玄定何如

文士傳曰郭象字子玄河南人少有才理慕道好學託志老莊

時人咸以為王弼之亞辟司空掾太傅主簿

孫曰詞致清雅奕奕有餘吐章

陳文如懸河瀉水注而不竭

殷中軍識度清遠當時比之管葛屏居墓所幾將十年

王濛謝尚伺其出處以卜江左興亡因相與省之知浩

有確然之志既反因相謂曰淵源不起當如蒼生何

庾翼



貽浩書曰當今社稷安危內委何褚諸君外託庾桓數族恐不得百年無憂足下少標令名十數年間位經內外而欲潛居利貞斯理難全且夫濟一時之務頃一時之勝何必德均古人韻齊先達耶王夷甫先朝風流士也然吾薄其立名非真而始終莫取若以道非虞夏自當超然獨往而不能謀始大合聲譽極致名位正當抑揚名教以靜亂源乃高談莊老說空終日雖云談道實長華競及其末年人望猶存思安懼亂寄命推務而甫自申述狗小好名既身囚胡虜棄言非所此明德君子遇會處際寧可然乎而世皆然之益知名實未定弊風未革也浩固辭不起簡文帝始綜萬幾衛將軍褚裒薦浩徵為揚州刺史浩上疏陳讓并致牋於簡文簡文答之曰屬當厄運危弊理盡誠賴時有其才不復遠求版築足下沉識淹長思綜通練起而明之足以經濟若復深存挹退苟遂本懷吾恐天下之事於此去矣令紘領不振晉網不綱願蹈東海復可得耶由此言之足下去

就即是時之廢興時之廢興則國家不異足下宏思之  
靜算之亦將有以深鑒可否望必廢本懷率群情也

劉尹亡後孫興公爲之誄曰居官無官官之事處事無  
事事之心當時以爲名言

孫興公目劉真長曰神猶淵鏡言必珠玉

謝鎮西

晉陽秋曰謝尚字仁祖陳郡人鯤之子也齠齔  
喪兄哀慟過人及遭父喪溫嶠嘯之尚號咷極

哀既而收淚告訴有異常童嶠  
奇之由是知名仕至鎮西將軍與羅君章爲方外之友

羅府君別傳曰舍字君章桂陽棗陽人楚熊姓之後啓  
土羅國遂氏族焉後寓湘境為桂陽人舍臨海太守彥  
曾孫榮陽太守綏少子也桓宣武辟為別駕遷散騎常  
侍門施行馬舍自在官舍有一白雀棲集堂宇及致仕

還家庭中忽蘭菊挺生此亦至行之徵也常稱之曰羅君章可謂湘中之琳

琅

或有人言羅君章可謂荆楚之杞梓桓大司馬曰此自江左之秀豈唯荆楚而已

孫興公云庾太尉雅好所托常在塵埃之外雖柔心應世蠖屈其迹而方寸湛然固以玄對山水

世目王荀子曰流奕清舉

荀子王脩小字文宇志曰王脩字敬仁太原晉陽人父

濛司徒左長史脩明秀有美稱

桓南郡既誅司馬元顯見謝景仁甚知之謂四坐曰司馬庶人那得不敗遂令謝景仁年三十方作著作郎

阮萬齡與袁豹江夷相係爲孟昶司馬時人謂昶府有

三素望

南史曰阮萬齡陳留尉氏人祖思曠光祿大夫萬齡少知名爲孟昶建威長史

謝叔源與從子靈運並有美名時人謂叔源風韻爲高

目望蔡肅肅如寒風振松

謝叔源襲爵望蔡侯

目康樂凜凜如霜

臺龍曰

謝方明無他伎能自然有雅韻高祖常稱之曰謝方明

可謂名家駒直置便是台鼎人無論復有才用或云是

劉穆之語

沈約宋書曰謝方明陳郡陽夏人尚書僕射景仁從父弟父冲中書侍郎方明為高祖中

兵主簿事思忠益知無不為遷侍中丹陽尹

王令明素不與謝靈運相識嘗得一交言靈運辯博辭

義鋒起令明時然後言時荀伯子在坐退而告人曰靈

運固自蕭散直上王郎如萬頃陂

沈約宋書曰荀伯子賴川賴陰人祖羨驃

騎將軍父猗秘書郎伯子少好學博覽經傳而通率好戲遨遊間里故失清塗解褐駙馬都尉仕至東陽太守

謝法曹

惠連已見

幼有才悟性至輕脫不為父方明所知靈

運去永嘉還始寧時方明爲會稽郡靈運嘗自始寧至  
會稽造方明過視惠連大相知賞時何長瑜教惠連讀  
書亦在郡內靈運又以爲絕倫謂方明曰阿連才悟如  
此而尊常兒遇之何長瑜當今仲宣而給以下客之食  
尊既不能禮賢宜以長瑜還靈運靈運載之去

謝宣遠

謝瞻已見

諸人才辭辯富弘微每以約言服之尚書

謝混已見

特所敬貴號曰微子嘗語諸人曰汝雖才義豐辯

未必皆愜衆心至於領會機賞言約理要固當共推微

子

謝尚書目弘微曰微子異不傷物同不害正

宋世爲之語曰王光祿如屏風屈曲從俗能蔽風露

南史

曰王遠字景舒太保弘弟光祿大夫孺之子也仕至光祿勳

王僧祐少便聰悟叔父景元撫其首曰兒神明意用當

不作率爾人

僧祐已見

宋文帝見王征南

王僧虔已見

所書素扇歎曰非唯迹逾子

敬方當器雅過之

顏特進

顏延年已見

爲徐羨之諸人所忌出爲始安太守謝

領軍

謝晦已見

謂顏曰昔荀勗忌阮咸斥爲始平郡今卿又

爲始安可謂二始殷黃門

殷景仁已見

亦語之曰所謂人惡

俊異世疵文雅

王瓚之歷官五兵尚書未嘗詣一朝貴

南史曰瓚之王敬弘子也官吏

部尚書謚貞子

江湛

見已

謂何偃曰王瓚之今便是朝隱

宋書曰何

偃字仲弘廬江潯人司空尚之中子舉秀才除中軍參軍歷官吏部尚書

王智少簡貴有高名

南史曰王智琅瑯人祖穆臨海太守司徒謚之兄

宋武帝



甚重之常云見王智使人思仲祖

南史曰帝與劉穆之  
議討劉毅而智在焉

他日穆之白帝曰伐國重事公言何乃使王  
智知武帝笑曰此人高簡豈聞此輩議論

吳郡陸法真歷官有清節爲劉秀之安北錄事參軍太

山羊希

南史曰羊希字泰聞太山南城人羊  
元保之從子少有才氣爲尚書左丞

與安北咨

議孫詵書曰足下同僚似有陸錄事者此生東南名地

又張玄外孫治身清雅至有志節年高官下秉操不衰

龔當日夕相與申意

南史曰孫詵字休群太原中都  
人愛文尤賞泉石官御史中丞

張景山

張岱  
已見

與兄太子中舍演新安太守鏡征北將軍

永弟廣州刺史辯俱知名時人謂之張氏五龍

釋曇賴屬意宣唱天然獨絕張暢聞而歎曰吐辭流便

足騰遠理

高僧傳曰曇賴會稽人少出家誦經十餘萬言止長干寺

張永嘗請斌公開講

釋曇斌已見

永問斌京下復有卓越年

少不斌言有沙彌道慧法安永即要請令道慧覆涅槃

梁惠皎高僧傳曰道慧姓王餘姚人十一出家為僧  
遠弟子嘗講成實張融構難慧乘機挫銳言必詣理法

安述佛性

高僧傳曰釋法安姓畢東平人七歲出家年在息慈便精神秀出

二人神色

自若敘致無遺永問年幾慧言十九安言十八永歎曰

昔扶風朱勃年十二能誦書詠詩時號才童今日二道士可稱義少

王仲寶張思曼甚知孔廣仲寶嘗言廣來使人廢簿領思曼數巾車詣之每歎曰孔廣使吾成輕薄祭酒

王儉  
張緒

已見南史曰孔廣字淹源會稽人美容止善吐論

宋文帝以王華劉湛王曇首殷景仁俱爲侍中風力局幹冠冕一時上嘗與四人於合殿宴既罷出上目送良久歎曰此四賢一時之秀同管喉唇恐後世難繼也

劉綽

宋拾遺曰帝嘗召四人宴飲從朝至夕帝甚歡既出帝目送之歎美不已

張思曼少知名清簡寡欲父鏡語人曰此兒今之樂廣  
劉悛之爲益州獻蜀柳數株枝條甚長狀若絲縷武帝  
植於太昌雲和殿前常嗟賞之曰楊柳風流可愛似張  
緒當年

袁吏部

袁粲已見

語人曰近見張思曼殊有正始遺風

劉叅軍

劉璉已見

至吳語人曰吾聞張思光與陸慧曉並宅

中間有水此水必有異味遂命駕酌而飲之曰飲此則

鄙吝之萌盡矣

釋慧亮過江止何園寺

梁慧皎高僧傳曰慧亮姓董先為東阿靖公弟子後立寺於臨

舊講法華大小品十地等學徒雲集千里命駕

顏延之張緒眷德留連每歎曰

安汰吐珠玉於前

釋道安竺法汰並已見

斌亮振金聲於後清言

妙緒將絕復興

高僧傳曰釋曇斌姓蘇南陽人十歲出家事道禪為師後住江陵辛寺表聚請

為母師

張融陸慧曉二人宅間有池池上有二株楊柳何點見

而歎曰此池便是醴泉此木便是交讓

張思光年弱冠道士陸靜脩以白鷺羽塵扇遺之曰此  
既異物以奉異人

張思光清抗絕俗雖王公貴人視之傲如獨重衡陽王  
語從兄思曼曰衡陽王飄飄有凌雲氣其風情素韻彌  
足可懷融與之遊不知老之將至

王仲寶

王儉已見

少便不凡袁司徒

袁粲已見

見之歎曰宰相之

門枯栢豫章雖小已是棟梁器

劉祭酒

劉瓛已見

少有至性母孔氏甚嚴明語親戚曰阿稱

璣小字便是今世曾子

王僧達貴公子孫以才傲物爲吳郡太守入昌門曰彼有人焉顧琛家一公兩掾英英門戶陸子真五世內侍我之流亞

齊高帝輔政百僚脫屣到席蔡長史躡屣不改

南史曰蔡約字

景撫濟陽考城人興宗子也尚宋孝武公主好飲酒夷淡不與世雜仕齊爲司徒左長史卒官太子詹事帝

謂江柘曰蔡郎是禮度之門故自可悅

南史曰江柘字宏業濟陽考城

人仕至侍中中書令受遺輔政爲東昏所誅

王瞻六歲時從師讀書有伎經門同業皆出觀瞻獨不

視習業如初從父僧虔曰太宗不衰寄之此子

南史曰王瞻字

思範弘從孫也少逸遊為閭里患及長折節修士操涉獵書記仕齊至御史中丞梁臺建遷吏部尚書

袁尹

袁粲已見

在郡嘗於後堂夜集劉祭酒在座劉是真長

六世孫袁指庭中柳樹謂劉曰人謂此是劉尹時樹每

想高風今復見卿可謂清德不衰

褚司徒

褚淵已見

嘗集袁粲舍初秋涼夕風月甚美彥回援

琴奏別鵲之曲宮商既調風神諧暢王或謝莊並在坐



歎曰以無累之神合有道之器宮商暫離不可得已

袁尹見江叔文歎曰風流不墜政在江郎

南史曰江敷字叔文濟陽

考城人祖夷右僕射父湛吏部尚書敷母宋文帝女淮陽長公主幼以戚屬召見孝武謂謝莊曰此小兒方當為名器少有美譽尚孝武女臨汝公主拜駙馬都尉為丹陽丞

庾杲之韶令和潤善於音吐

蕭子顯齊書曰杲之字景行新野人祖深之雍州刺

史父繫司空參軍杲之少貞立學涉文義起家奉朝請太子右衛率

世祖令對魏使兼侍

中上每歎其風器之美王儉在座曰杲之為蟬冕所照

更生風采

陸明霞是張思光外甥好學通博兼善書畫風韻舉動

頗類於思光時人爲之語曰無對日下惟舅與甥南史曰陸

杲字明霞吳郡吳人祖徽宋建康令有清名父獻揚州中從事杲少好學歷官以清正稱仕至金紫光祿大夫

謝叅軍謝超宗已見一日詣東府門自通爾時風寒慘厲太

祖謂四座曰此客至使人不衣自煖矣

褚侍中褚炫已見小便清簡爲舅王景文所知司徒淵謂人

曰從弟廉勝獨立乃十倍於我

徐孝嗣已見出爲吳興王僕射儉贈四言詩曰方軌叔茂

追清彥輔柔亦不吐剛亦不如時人以比蔡子尼行狀

褚中郎淹雅有器量風儀端麗眉目如點公庭就列爲

衆所瞻

南史曰褚向字景政祖淵司空父纂太子詹事向年數歲父母相繼亡沒毀若成人親表異之

及長淹雅有器量仕梁卒於北中郎

爲廬陵王長史卒官謝舉銘其墓曰

宏治推華

杜

子嵩慚量

庾

酒歸月下風清琴上論者以

爲擬得其人

南史曰謝舉字言揚謝瀛子也幼好學與兄覽齊名十四贈沈約詩為約所賞弱冠

丁父憂幾致毀滅為太常博士與覽俱預元會江淹一見並相欽挹曰所謂馭二龍於長塗為太子家令掌管

記深為昭明

太子賞接

世目何散騎曰人中爽爽何子朗

何點嘗目陸慧曉心如明鏡遇形觸物無不朗然王思遠常如懷冰暑月亦有霜氣

周彥倫目慧隆道人曰隆公蕭散森踈若霜下之松竹

高僧傳曰釋慧隆姓成陽平人學無師友卓然自悟

劉孝標

劉峻已見

目劉訐超越俗如半天朱霞

何佟之梁典曰劉訐

字彥度平原人與陳留阮孚李紳申金蘭之契築室鍾阜之傍共聽內義鑽尋典奧劉歊矯矯出

塵如雲中白鶴

梁書曰劉歊字士光劉懷慰之子生夕有香氣滿室幼有識慧十二讀莊子逍

遙篇曰此可解耳客問之隨問而答皆有情理家人異之謂為神童及長博學有文不娶不仕與族弟討隱居求志遨遊林澤以山水書籍相娛謚貞節處士皆儉歲之梁稷寒年之纖纊

梁武帝欲為昭明太子納妃意在謝氏袁昂曰當今貞

素簡勝唯有蔡搏

南史曰蔡搏字景節興宗子也少方雅退默兄弟並知名為吳興太守不

飲郡井齋前種白菟紫茄以為常膳詔褒其清

宋世有嵇元榮羊蓋並善鼓琴云得戴安道之法柳吳

興

柳惲已見

特盡其妙齊竟陵引為法曹參軍雅被賞狎王

嘗置酒有謝太傅鳴琴在側以授吳興吳興彈為雅弄

竟陵曰卿巧越嵇心妙臻羊體良質美手信在今辰豈

止當世稱奇足可追蹤古烈

劉璠梁典曰梁武帝嘗語周捨曰吾聞君子不可求

備至如柳惲可謂具美分其才藝足了十人

劉長史幼聰敏善屬文

南史曰劉孝綽字孝綽本名冉幼聰敏七歲能屬文舅王融深

賞異之與同載以適親友號曰神童起家著作郎左遷臨賀王長史

王中書

融

深賞異之

常歎曰天下文章若無我當歸阿士

孝綽小字

陸佐公少爲外祖張岱所異岱語諸子曰此兒汝家陽

元

劉璠梁畧曰陸倕字佐公吳郡人慧曉子也少篤學善屬文仕至太常卿

梁武革命之事沈休文頗相匡贊後帝以語范尚書曰  
平日與沈休文群居不覺有異今日才智縱橫可稱明  
識尚書荅曰公今知約不異約今知公

梁昭明在東宮雅好文學嘗與王記室筠劉長史孝陸

庶子

倅

到舍人

洽四人  
並已見

殷常侍遊宴玄圃太子獨執筠

袖撫孝綽肩語曰所謂左挹浮丘袖右拍洪崖肩

梁書  
曰殷

芸字灌蔬陳郡長平人性倜儻不拘細行不妄交遊門  
無雜客勵精勤學博洽群書廬江何憲見之深相歎賞

仕至散

騎常侍

王詹事

筠

幼便警悟及長清靜好學沈尚書

約

每見其

所著輒嗟咨吟咏以爲不逮嘗語詹事曰昔蔡中郎一

見王仲宣稱爲王公孫曰吾家書籍悉當相與僕雖不  
敏請附斯言自謝朓諸賢零落已後平生意好殆將都  
絕不謂痿暮復逢於君

張士簡

張率  
已見

與同郡陸佐公幼相友狎同載詣左衛將

軍沈休文適值任彥升在坐沈謂任曰此二子後進才  
秀皆南金也卿可與定交



簡文素重蕭景陽

蕭子顯已見

在東宮時引爲促晏景陽起

更衣簡文謂坐客曰嘗聞異人間出今日始知是蕭尚

書

到長史

洽

齊末覩世方亂築室巖阿幽居積歲樂安任

昉與洽兄沼溉並善嘗訪洽於田舍見之歎曰此子日

下無雙

到茂灌與弟茂沿皆有文才兼善言理時人比之二陸  
世祖嘗贈詩云魏世重雙丁晉朝稱二陸何如今兩到

復似凌寒竹

庾彥寶

庾說已見

子曼倩

梁書曰曼倩字世華早有令譽元帝在荊州為中錄事後轉諮議參

軍早有令譽為世祖荊州主簿每出常目送之謂劉之

遼曰

梁書曰劉之遼字思貞南陽涅陽人父虬齊國子博士謚文範先生之遼八歲能屬文十五舉茂才

對策沈約任助見而異之

荆南信多君子雖美歸田鳳

摯虞三輔決錄註曰田鳳

字秀宗為郎端正入奏事靈帝目送題柱曰堂堂乎張京兆田郎

清屬桓階

桓階別傳曰階為尚書令

文帝行幸見諸子無禪上搏手曰長者子無禪是日拜三子為黃門郎

賞德標奇未過此

子

梁元帝嘗云余於諸僧重招提琰法師隱士重華陽陶貞白士人重汝南周宏正其於義理清轉無窮亦一時名士也

王威明爲黃門侍郎時湘東王

梁元帝別見

爲丹陽尹與朝

士宴集屬威明爲酒令威明曰江左以來未有茲舉蕭

琛傳昭在坐並謂知言

南史曰王規字威明王儉之孫王騫子也十二畧通五經及長

博涉有口辯仕至太子中庶子

衛尉趙知禮見袁德章少時歎曰袁生舉止詳中故有

陳汝之風

南史曰袁憲字德章幼聰敏好學梁武帝開五館其一館在憲宅西憲招引諸生與之談

論新義出人意表同輩咸嗟服焉武帝撰孔子正言章句詔下國學憲十四被召為正言生祭酒到溉愛其神采博士周弘正謂憲父君正曰賢子欲策試不君正曰未敢令試居數日君正遣門客與憲候弘正會弘正將升講坐延憲入室授以麈尾令憲豎義時謝岐何晏在坐弘正曰二賢雖窮奧曠得無憚此後生何謝遽起義端深極理致憲酬對閒敏弘正謂晏曰恣卿所問勿以童幼期之時觀者重沓憲神色自若辯論有餘弘正亦起數難終不能屈因告客曰卿還諮袁

吳郡此郎已堪見代博士矣

江揔持幼便聰慧神采英拔

南史曰江揔字揔持濟陽考城人江數之曾孫祖蒨

光祿大夫父紆南康王主簿揔七歲而孤聰敏有至性梁時為太子中舍人仕陳歷尚書令入隋拜上開府

甚爲瑯邪王元禮

王筠已見

范陽張纘

南史曰張纘字伯緒范陽方城人衛尉卿

宏策子也長七尺四寸眉目疎朗神采爽發性好學兄緬有書萬卷晝夜披讀不去手歷官吏部郎南陽

劉之遴所重之遴嘗酬摠詩其略曰上位居崇禮寺署

鄰栖息忌聞曉騶唱每畏晨光艷高談意未窮晤對賞

無極探志共遨遊休沐忘退食曷用銷鄙吝枉趾邁顏

色上下數千載揚摧吐胸臆其爲通人欽挹如此

陳後主在東宮時張譏爲東宮學士有玉柄麈尾至佳

後主親執之曰當今雖復多士如林堪執此者獨張譏

耳即手授譏

陳後主嘗幸鍾山召從臣於松林下共談敕張譏豎義時索麈尾未至後主取松枝手以屬譏曰此可代麈尾顧語群臣此即張譏後事

陳永陽王臨吳郡聞陸慶名請與相見慶固辭以疾時慶宗人陸榮爲郡五官掾慶嘗詣焉王乃微服往榮舍穿壁觀之後語榮曰慶風神凝峻殆不可測嚴君平鄭子真何以尚茲

南史曰陸慶吳郡人少好學偏通五經尤明春秋左氏傳節操甚高仕梁爲婁

令陳天嘉初徵  
散騎侍郎不就

何妥少機警以技巧事湘東王後知其聰明召爲誦書  
時蘭陵蕭慎亦有雋才住青楊巷妥住白楊頭時人爲  
之語曰世有兩雋白楊何妥青楊蕭慎

隋書曰何妥字  
栖鳳西城人爲

湘東王誦書江陵平入周爲太學  
博士隋除散騎常侍終國子祭酒

語林卷十六



欽定四庫全書

語林卷十七

明 何良俊 撰

賞譽第九 下

杜子光童孺時奇才博學能著文章心解性達無不貫

綜一時稱爲舞陽杜孔子

崔鴻十六國春秋前涼錄曰杜育字子光漢陽舞陽人

崔司徒

崔浩已見

每與盧玄談輒歎曰對子真使我懷古之

情更深

北史曰盧玄字子真范陽涿人曾祖謚晉司空從事中郎祖偃父邈仕慕容氏俱以儒雅稱神

廡四年太后辟召儒雋以玄爲首授中書博士遷侍郎崔浩欲整人倫分明姓族玄曰創制立事各有其時樂

為此者詎幾人也宜三思浩不納後終以此敗

高伯恭

高允已見

少有奇度清河崔玄伯見而異之歎曰高

子黃中內潤文明外照必爲一代偉人

魏收魏書曰崔宏字玄伯清河

東武城人魏司空林六世孫少有雋才號曰冀州神童符堅徵爲太子舍人不就魏道武以爲黃門侍郎與張袞對掌機要

魏中山王

熙

博識之士見盧幼章歎之曰盧郎有如此

風神唯須誦離騷飲美酒自爲佳士

北史曰盧元明字幼章范陽涿人涉

歷群書兼有文義風采閒潤進退可觀太平中副李諧使梁南人稱之

范陽祖元珍

祖瑩別見

與陳郡袁景翔齊名秀出

北史曰袁翻字景翔

陳郡項人

時人爲之語曰京師楚楚素與祖洛中翩翩祖與

素

濟陰王元暉見溫子昇文嘗云江左文人宋有顏延之

謝靈運梁有沈約任昉我子昇足以凌顏轢謝舍任吐

沈

北史曰溫子昇字鵬舉太原人晉大將軍嶠之後世居江左祖恭之避難歸魏家于濟陰宛句子昇博覽

百家文章清婉永熙中爲散騎常侍領本州大中正

魏陸暉與弟恭之並有時譽洛陽令賈禎歎曰僕以老

年更覩雙璧黃門郎孫惠蔚曰不意二陸復在坐隅

北史

曰陸暉字道暉弟恭之字季順代人也世領部落祖侯仕魏封東平王父凱官至正平太守暉除伏波將軍嘗擬急就章為悟蒙章及七誘十醉章表數十篇恭之有操尚位東荊州刺史所著文章詩賦千餘篇

楊遵彥小時夙成從父兄黃門侍郎

昱

特相器重嘗謂

人曰此兒駒齒未落已是我家龍文更十年當求之千里外耳

楊遵彥典選時以六十人為一甲楊令其自敘訖不省文簿便次第呼之嘗誤以盧士深為士琛士深自言其

名遵彥曰盧郎朗潤所以加玉

三國典畧曰東魏以楊愔典選愔令選人自敘

不省文薄次第呼之嘗誤呼慕容為長孫一人而已有職人魯漫漢自言微賤不蒙記愔曰卿前在元子思坊乘驢遙見我不下以方麴障面我何不識卿耶漫漢驚服

楊遵彥作文德論

楊愔已見

以為古今辭人皆負才遺行澆

薄險忌唯邢子才王元景溫子昇彬彬有德素

楊遵彥欲引崔彥通

崔瞻已見

為中書侍郎時盧思道直中

書省因問盧曰我比日多務都不見崔瞻文藻卿與之親通理當相悉思道荅曰崔瞻文辭之美實有可稱但

舉世重其風流所以才華見沒

北齊廢帝爲太子時嘗集諸儒講孝經問國子助教許散愁曰先生在世何以自資許對曰散愁自少以來不登嬖童之牀不入季女之室服膺簡策不知老之將至平生素懷若斯而已太子曰顏子縮屋稱貞柳下嫗而不亂未若此翁白首不娶

魏帝嘗季秋大射普令群臣賦詩魏佛助

魏收小字

詩末云

尺書徵建業折簡召長安文襄壯之顧謂諸人曰在朝

今有魏收便是國之光采

盧子均小字龍子風神澹雅從弟思道小字釋奴宗中

俱稱英妙幽州爲之語曰盧家千里釋奴龍子

思道已見北

史曰盧昌衡字子均沉靜有才識風神澹雅容止可法博涉經史工行草書

王沙彌

王暕小字已見

東適海隅與邢子良遊處子良愛其清

悟與其在洛兩兄

所

書曰賢弟彌郎意識深遠曠達不

羈簡於造次言必詣理吟咏情性往往麗絕恐足下方

難爲兄不暇憂其不進也

吏部郎中陸卬嘗稱李德林曰德林文章浩浩如長河

東注比來見後生制作乃涓澮之流耳

續世說曰北齊任城王亦稱德

林曰經國大體是賈生晁錯之  
儔雕虫小技殆相如子雲之輩

李德林爲文辭覈理暢魏收嘗對高隆之謂其父曰賢  
子文筆終當繼溫子昇隆之大笑曰魏常侍殊已嫉賢  
何不近比老彭乃遠求溫子

柳思敬少有遠量濟陽蔡大寶有重名於江左時爲岳

陽王

蕭譽  
已見

諮議見柳便歎曰襄陽水鏡復在於茲

北史  
曰柳



莊字思敬河東解人宋太尉元景從孫  
博覽墳籍兼善詞令隋給事黃門侍郎

辛懷遠與二兄鑒曠弟寶迅皆以才識知名秦雍爲之

語曰五龍一門金友玉昆

崔鴻前涼錄曰辛攀字懷遠隴西狄道人父襲尚書郎

鎮南長史悅壽謂南海王曰向見北海王子天資宏雅  
神爽高邁始知天族多奇玉林皆寶

李密乘一黃牛被以蒲羈將漢書一帙掛於角上一手

捉牛靽一手翻漢書越國公

楊素已見

遇見於道從後按轡

躡之既及問何處書生耽學如此密識是越公乃下牛

再拜自言姓名又問所讀書荅云項羽傳越公奇之與語大悅謂其子玄感等曰吾觀李密識度女等不及

虞世基拜內史舍人時柳顧言博學罕所推許與世基相見歎曰海內當共推此一人

薛收與弟德音元敬齊名號河東三鳳時目收爲長離德音爲鸞鷟元敬年最少爲鵷雛

太宗登極日語房玄齡曰薛收若在朕當以中書令處之

唐太宗嘗稱虞永興

虞世南已見

有五絕德行忠直博學文

### 詞書翰

李守素尤精譜學人號肉譜或謂虞秘監曰李倉曹以

善談人物乃得此名然非雅目公既言成準的宜有以

改之秘監曰昔任彥昇善談經籍時稱為五經笥宜改

倉曹爲人物志

隋唐嘉話曰李守素趙州人太宗署爲倉曹參軍甚工譜學自晉宋以降四海

士流及諸勳貴華戎闕閱

莫不詳究當時號爲行譜

劉子翼峭直有行常面折僚友之短退無餘訾李百藥

嘗語人曰劉四雖復罵人人多不憾

大業雜記曰劉子翼字小心劉禕之

之父仕隋至著作郎

太宗嘗出行有司請載副書以從上曰不須虞世南在此行秘書

賀德仁與兄德基俱以辭學見稱時人爲之語曰學行可師賀德基文質彬彬賀德仁

唐書曰賀德仁越州山陰人少與從兄德基俱

事國子祭酒周弘正以辭學見稱德仁仕陳官吳興王友

太宗嘗宴群臣于積翠池酣樂賦詩魏徵賦西漢其卒

章曰終藉叔孫禮方知皇帝尊帝曰徵言未嘗不約我以禮

太宗征遼東拜楊宏禮爲兵部侍郎駐蹕之役領步騎二十四軍跳出賊背所向摧靡帝自山上下望見其袍

仗精整人人盡力謂許敬宗曰越公兒郎故有家風

劉昫

唐書曰楊宏禮隋尚書令素弟岳之子高祖受禪襲爵清河郡公太宗征遼以宏禮有文武材擢拜兵部侍郎

專典兵機之務

太宗嘗曰褚遂良鯁亮有學術竭誠親於朕若飛鳥依

欽定四庫全書

語林  
卷十七

人自加憐愛

劉昫唐書曰褚遂良散騎常侍亮之子博涉文史尤工隸書父友歐陽詢甚重之

谷那律淹識群書褚遂良目爲九經庫

唐書曰谷那律魏州人淹識群

書官至弘文館學士

張文瓘補并州叅軍時李勣爲長史語人曰稚圭今之管蕭吾所不及

太宗嘗問群臣曰朕子弟孰賢魏徵曰臣愚不盡知其能唯吳王數與臣言未嘗不自失帝曰朕亦器之然卿以爲前代孰比對曰經學文雅漢之河間東平至於孝

行曾閔不能過帝由是寵遇益厚

劉昫唐書曰霍王元軌高祖第十四子武

德八年封吳王改封霍王

薛元超爲高宗所知時在中書特承恩遇嘗召入與諸

王同預私讌重其文學政理之才嘗語之曰長得卿在

中書固不藉多人

唐詩紀事曰元超薛收之子高宗時爲給事轉中書舍人薦任希古郭正

一崔融等皆以才名上元初同中書門下三品政出武后因陽暗乞骸骨

李義府

見已

初進以李大亮劉洎之薦太宗召令詠烏李

曰日裏颺朝彩琴中伴夜啼上林如許樹不借一枝棲

金文四庫  
帝曰當以全枝借子何止一枝

韋思謙調官有微累吏部尚書高季輔曰自吾居選部  
今始得此一人豈可以小疵而棄大德擢授監察御史  
皇甫公義引韋思謙爲沛王府倉曹曰公豈是池中物  
屈公爲數旬之客以望此府耳

鳳閣侍郎杜景佺文章智識並高遠時號爲鶴鳴鷄樹  
盧昇之爲鄧王府典籤王甚知之嘗語諸人曰此即寡

人相如

唐詩紀事曰盧照鄰字昇之范陽人調新都尉  
病去官足攣一手又廢乃居具茨山下自以爲



高宗尚吏已獨儒武后尚法已獨黃老后封嵩山屢聘  
賢士已已廢著五悲文以自明病既久與親屬訣自沉  
水賴

張鷟文章俊敏凡應八舉皆登甲科騫味道嘗稱之曰

此生天下無雙

續世說曰張鷟為兒童時夢紫色大鳥  
五綵成文降於庭中其祖謂曰五色赤

文鳳也紫文鷟也為鳳之佐吾兒當以文章瑞於明庭  
因名鷟員半千嘗見其文曰張子之文如青錢萬選萬  
中未聞退時時  
目為青錢學士

崔尚書

崔湜已見

甚重其弟潤甫嘗語人曰液子我家龜龍

唐詩紀事曰崔液字潤甫仁師子湜之弟也工五言  
官殿中侍御史坐湜故亡命郢州作幽征賦以見意

負半千本名餘慶嘗師事學士王義方義方嘉重之嘗語之曰五百年一賢者生足下當之矣因改名半千

孔李詡在秘書陳子昂每爲之目曰神韻清遠可比衛

玠

魏知古亡後宋廣平歎曰叔向古之遺直子產古之遺

愛兼之者其魏公乎

唐詩紀事曰魏知古深州人相睿宗薦洹水令呂太一司功叅軍齊

澣騎曹叅軍柳澤密尉宋遙補闕袁暉封希顏伊闕尉陳希烈後皆爲聞人

李元紘爲相務峻崖檢夸進者憚之宋廣平嘗曰李侍

郎引宋遙之美黜劉晃之貪貴爲國相家無留儲雖李

文子之德何以加諸

劉昫唐書曰李元絃京兆萬年人少謹厚爲雍州司戶時太平公主

與寺僧爭碾磴元絃斷還寺僧竇懷貞爲雍州長史懼太平勢促令元絃改斷元絃大署判後曰南山或可改

移此判終無搖動竟執正不撓懷貞不能奪開元中中書侍郎

李乂嘗典選請謁不行時人爲之語曰李下無蹊徑唐

紀事曰李乂字尚真趙州人十二工屬文薛元超曰是子且有海內名沉正方雅識治體時稱有宰相器初爲

黃門侍郎郎姚崇爲紫微令薦爲侍郎外託引重實去其糾駁權

張燕公

張說已見

嘗曰沈三兄

沈佺期已見

詩直須還他第一

揚再思每目徐堅為鳳閣舍人樣

韋氏孝友文學有承慶嗣立

劉昫唐書曰韋承慶字延休嗣立承慶異母弟也父

思謙則天朝納言母王氏遇承慶甚嚴每有杖罰嗣立必解衣請代母不聽輒私自杖母察知之漸加恩貸議

者比王

邃音樂有萬石

劉昫唐書曰萬石韋挺之子有學業而善音律為太常卿增損

郊廟燕會樂調

達禮儀則叔夏

劉昫儒學傳曰韋叔夏左僕射安石凡也精通

三禮官國子祭

史才博識有述

劉昫唐書曰述勒成國史一百十三卷事簡而

記詳有良史才蕭穎士以為譙周陳壽之流述以儒術進當代宗仰而純厚長者澹於勢利聚書二萬卷皆自

校定雖御府不逮也兼古今朝臣圖歷代知名人畫魏晉以來草隸真跡數百卷古碑古器樂方格式錢譜璽

譜之類當代名公尺題無不畢備祿山之亂兩京陷賊  
玄宗幸蜀述抱國史藏於南山經籍資產焚剽殆盡述  
亦陷於時趙冬曦兄弟亦有美名

唐詩紀事曰趙冬曦定州人開元初監察

御史坐事流岳州召還復官

張燕公嘗語人曰韋趙兄弟人之杞梓

韋述是元行冲姑子性好學嘗入行冲書齋忘寢與食  
行冲引與之談貫綜經史事如指掌試以綴文操牘便  
成行冲大悅引之同榻曰此吾外家之寶

張燕公嘗稱許景先曰許舍人之文雖無峻峰激流漸  
絕之勢然屬詞豐美得中和之氣實一時之秀

唐詩紀事曰許

景先常州人景先獻賦李迥秀見之曰是  
宜付太史後與齊澣王卬韓休更知制誥

玄宗嘗早朝見張九齡風儀秀整有異於衆謂左右曰  
朕每見張九齡精神頓生

汝陽王璵是寧王長子丰儀秀整玄宗甚愛之嘗曰花  
奴姿質明瑩必神仙謫墮也寧王隨短之上曰大哥不  
在過慮阿瞞自是相師帝王之相須有英特之風深沉  
之候花奴但端笑過人當得公卿間令譽耳

劉昫唐書  
曰寧王憲

本名成器睿宗長子也追贈讓皇帝長子璵  
封汝陽王與賀知章褚廷誨為詩酒之交

房太尉每見元魯山即終日歎息嘗謂李遐叔華曰見

紫芝眉宇使人名利之心頓盡

劉昫唐書曰房琯字次律河南人平章事融之

子少好學風儀沉整以門蔭補宏文生性好隱適與東平呂向於陸渾伊陽山讀書凡十餘歲天寶末官至憲部侍郎玄宗幸蜀奔赴行在拜文部尚書同平章事奉使靈武冊立肅宗抗疏自請將兵戰敗于陳濤斜

韋陟以父安石憤激致斃與弟斌杜門不出八年親友

更往敦曉乃強調洛陽令宋璟見陟歎曰盛德遺範盡

在此矣

韋安石韋斌並已見卿自幼風標峻整安石尤愛之早有台輔之望

劉昫唐書曰韋陟字殷

被李林甫楊國忠所擠中原兵起鬱鬱不得志乃歎曰吾道窮於此乎有志不伸得非天命因遺疾卒于虢州

賀知章

見已

性曠夷善談說與族姑子陸象先

見已

善象先

嘗謂人曰季真清談風流吾一日不見則鄙吝生矣

賀知章見李太白稱之曰此天上謫仙人也

陸象先與弟景倩景融景獻景裔皆有名當世僧一行  
少時與象先兄弟相善嘗語人曰陸氏兄弟皆有士行  
古之荀陳何以加之

吉頊爲吏部侍郎用陸景初

陸象先先名  
景初已見

爲洛陽尉其

父元方時亦在吏部固辭不敢當頊曰爲官擇人至公



之道陸景初才望高雅非常流所及實不以吏部之子  
妄推薦也竟奏授之

元結舉進士禮部侍郎楊浚見其文歎曰一第恩子耳

有司得子是賴是年果擢上第

唐詩紀事曰元結字微之蘇源明薦於肅宗時

思明攻河陽帝召結詣京師結上時議三篇攝監察御史發宛葉軍屯泌陽全十五城帝善之代宗時侍親歸樊上拜道州刺史民樂其教始號倚

玆子後稱浪士又曰漫郎更曰聾叟

閻士和嘗評推歷世文章獨推蕭穎士以爲聞蕭氏之  
風者五尺童子羞稱曹陸

皇甫冉是玄晏先生之後張曲江深愛之嘗曰皇甫生

清穎秀拔有江徐之風

唐詩紀事曰皇甫冉字茂政常州人太歷二年遷右補闕高

仲武中興間氣集曰皇甫補闕自擢桂禮闈遂為高格往以世道艱虞避地江外每文章一到朝廷作者變色

李遐叔著舍元殿賦成以示蕭茂挺茂挺曰景福之上

靈光之下

錢起與郎士元齊名時人語曰前有沈宋後有錢郎

姚合

極玄集曰錢起字仲文吳興人天寶十載進士終尚書郎太清宮使郎士元字君胄天寶十五載進士與錢

起齊名歷拾遺終潁州刺史

劉捷卿

劉迅已見

在都嘗寢疾房太尉聞而憂之通夕不寐

顧語賓從曰捷卿有不諱可謂無復有神理

劉忠州每與劉捷卿談輒語曰聞劉公清言皇王之理

盡矣

唐詩紀事曰劉晏字士安八歲獻頌泰山行在帝命張說試之說曰國瑞也即授太子正字公卿邀

請傍午號神童

良俊按宋祁唐書劉知幾第五子劉迅傳中有此二

事又撫言李華三賢論其論劉慎虛亦載此事不應

二人同時事都不異然三賢論又謂慎虛名儒大官

之家兄弟以學著乃述詩書禮易春秋爲五說條貫源流備古今之變今考劉昫宋祁唐書及李肇國史補作五說者正劉迅也且劉迅父知幾史才無對官至崇文館學士叔知柔以文章政事致位尚書右丞兄貺餽彙秩弟迴本傳中皆有述撰則所謂名儒大官之家與兄弟以學著者非迅而何且二唐書都不載劉慎虛事豈撫言稱慎虛門閥風望如此而正史顧遺之耶則慎虛之爲迅無疑迅本字捷卿或慎虛

其別字也但正史不著迅有別字與其能詩而詩家序論亦不詳其所出乃知記事者固多踈漏也

陳郡殷寅名知人見劉捷卿歎曰今之黃叔度也

李揆見已在中書美風儀善奏對帝歎曰卿門地人物文

學皆當世第一信是朝廷羽儀

文宗嘗問魏謩卿家書詔頗悉存不

劉昫唐書曰魏謩字申之五代祖微

貞觀朝名相謩至檢校右僕射儀容魁偉言論切直宣宗每曰魏謩綽有祖風竟以語詞太剛為令狐綯所忌

謩對比多失墜惟故簪笏在詔令上送時鄭覃曰在人

不在笏帝曰覃不識朕意此笏乃今之甘棠

劉珣唐書  
曰鄭覃故

相珣珣之子長於經學稽古守  
正文宗尤重之官至守司徒

元稹

已見

爲翰林承旨朝退行至廊下時初日映九英梅

隙光射稹有氣勃然百寮望之歎曰豈腸胃之章映日

可見乎

顧逋翁

顧況  
已見

恃才凌物於文章少所推可見白居易之

文即自失曰吾謂斯文遂絕今復得子矣

有人言牛僧孺可爲御史大夫宰臣鄭覃曰頃爲中丞

未嘗搏擊恐無風望上曰鸞鳳與鷹隼事異

牛奇章鎮江夏辟柳仲郢爲從事仲郢有元公之風動  
修禮法奇章歎曰苟非積習名教安能及此

柳璨爲左拾遺公卿託爲牋奏時譽曰洽以其博奧目

爲柳篋子

劉昫唐書曰柳璨河東人祖公器僕射公綽  
之再從弟璨少孤貧好學僻居林泉晝則採

樵夜則燃木  
葉以照書

趙光逢方直溫潤當時目爲玉界尺

孔平仲續世說曰  
後唐趙光逢幼嗜

典墳動守規檢弟光胤爲平章事時謁問於私第語及  
政事他日光逢署其戶曰請不言中書事清靜端默如

此

劉子儀愛徐堅初學記嘗曰非但初學正可爲終身記

耳

李穆有清識然獨重徐寶臣

徐鉉已見

嘗語人曰吾觀江表

冠蓋若中立有道唯有徐公

涑水記聞曰李穆字孟雍陽武人幼沉謹溫厚好學

周世宗時爲左拾遺太祖登極以左拾遺知制誥太宗朝除中書舍人母卒哀毀過人未終喪而卒上甚惜之謂宰相曰李穆國之良臣奄爾淪沒非穆不幸乃國之不幸也

李穆從王昭素學易昭素語穆曰子所謂精理往往出



吾意表

王聖塗澠水燕談錄曰王昭素先生酸棗人博學通五經尤長於易作易論二十三篇學者稱

之李穆薦之太祖召

見賜坐逾月遣還

陳彭年

見已在翰林所兼十餘職皆文翰清秘之日時人

謂其署銜爲一條冰

王冀公

王欽若已見

自江寧歸再秉機軸魯宗道時爲叅政

凡聚議多冀公不堪冀公語曰掌武相公在政府日叅

政豈敢如此魯笑曰王文正先朝重德豈他人可企苟

公執政平允宗道亦何敢異同

五朝名臣言行錄曰魯宗道字貫夫亳州人官

至參知政事當時目為魚頭參  
政因其姓且言骨鯁如魚頭也

宋景文

宋祁已見

云左太冲詩曰振衣千仞岡濯足萬里流

使人飄飄有世表意不減嵇康目送飛鴻語

宋莒公言歐陽永叔推重歸去來詞以為江左高文丞相以為知言

歐陽公平日少許人惟服韓稚圭嘗因事數曰累百歐陽脩何敢望韓公

文彥博守成都見文與可奇之嘗曰與可襟韻灑落如

晴雲秋月塵埃不到

二蘇初赴制舉到都是時同召試者甚衆一日韓魏公與客言曰二蘇在此而諸人亦敢與之較試耶此語既傳由是不試而去者十八九

程伯淳嘗至天寧寺方飯見趨進揖遜之盛歎曰三代威儀盡在是矣

王荆公司馬溫公呂申公韓黃門

四人並已見

仁宗朝同在

從班特相友善暇日多會於僧坊往往談燕終日他人

罕得而預時目爲嘉祐四友

王介甫與呂申公素相厚善嘗曰呂十六不作相天下

不太平又曰晦叔作相吾輩可以言仕矣

邵氏聞見錄曰王介甫嘗

簡晦叔曰京師二年疵吝積於心每不自勝一詣長者即廢然而反夫所謂德人之容使人之意消者於晦叔得之矣以安石之不肖不得久容左右以求於心而稍近於道又曰師友之義實有望於晦叔故介甫作相薦晦叔爲中丞後議新法不合始謂晦叔有驩悅共工之姦矣

東坡詩文落筆輒爲人傳誦每一篇到歐公爲終日喜前後類如此一日與子集論文因及東坡公歎曰汝記

吾言三十年後世上人更不道著我也崇寧間海外詩  
盛行後生不復有言歐公者

東坡初爲趙清獻公作表忠觀碑或持以示王荊公公  
讀之沉吟曰此何語耶時有客在傍遽詆訛之公不荅  
讀至再三又携之而起且行且讀忽歎曰此三王世家  
也客大慚

崇寧大觀間朝廷禁止蘇公文章賞錢增至八十萬禁  
愈嚴而傳愈盛往往以多相誇士大夫不能誦坡詩便

自覺氣索而人謂之不韻

叅寥嘗與客評詩客曰世間故實小說有可以入詩者  
有不可以入詩者唯東坡全不揀擇入手便用如街談  
巷說一經坡手似神仙點瓦礫爲黃金自有妙處叅寥  
曰老坡牙頰間別有一副爐鞴他人豈可學耶座客無  
不以爲然

蘇轍城云子瞻諸文皆有奇氣至赤壁賦彷彿屈原宋  
玉之作漢唐諸公莫及也

蘇樂城云讀上林賦如觀君子佩玉冠冕折還揖讓音吐皆中規矩終日威儀無不可觀

蘇子由云莊周養生一篇誦之如神龍行空爪趾鱗翼所及皆自合規矩

呂太尉

惠卿

赴延安帥道出西都時程正叔居里中謂門

人曰吾聞呂吉甫未識其面明旦西出必經吾門我且一覘之迨旦了無所聞詢之則過已久矣道旁多不知正叔歎曰夫以從者數百人馬數十行道中能使悄然

無聲馭衆如此可謂整肅矣立朝雖多可議其才亦何可掩

黃太史

黃庭堅已見

年十七八時自稱清風客俞清老見而

目之曰竒逸通脫真驥子墮地也

石林避暑錄曰俞澹字清老揚州人少與

黃魯直同從孫莘老學於漣水軍

黃魯直見謝無逸詩歎曰使在館閣當不減晁張

彭乘墨客

揮犀曰謝逸字無逸臨川人有高才江南勝士也閒居多從衲子遊不喜對書生朱世英為撫州舉八行不就蘇子瞻自海外歸與米元章書云嶺海八年親友曠絕



亦未嘗關念但念吾元章邁往凌雲之氣清雄絕俗之  
文超妙入神之字何時見之以洗我積年瘴毒耶今真  
見之及得寶月菴賦誦之以爲恨二十年相從知元章  
不盡元章荅云更有知不盡處脩楊許之業爲帝宸碧  
落之遊異時相見乃知也其高自標置如此

宋史曰米芾字元章

吳人以母侍宣仁后藩邸舊恩補臨光尉歷漣水軍使  
知無爲軍召爲書畫學博士賜對便殿上其子友仁楚  
江清曉圖擢禮部員外郎芾爲文奇險不剽襲前人特  
妙翰墨沉著飛翥得玉獻之筆意畫山水人物自名一  
家尤工臨移至亂真遇古器物書畫則極力求取必得  
乃已立寶晉齋貯之坐起玩拊精於鑒裁一經題品價

增數倍所與遊皆名士王安石摘其詩句書扇上蘇軾亦喜稱譽之冠服效唐人風神蕭散音吐清暢所至人聚觀之而好潔成癖至不與人同巾器時有可傳笑者又舉止頡頏不能與世俯仰故仕數困

紹聖元符間汪內相彥章有聲太學中時人爲之語曰

江左二寶胡伸汪藻

游宦紀聞曰胡伸字彥時新安人終符寶郎宋史曰汪藻字彥章

饒州德興人幼穎異官至龍圖閣直學士知湖州博極群書老不釋卷工儷語多著述所為制辭人皆傳之

王景文在太學與九江王阮齊名阮嘗曰聽景文談如

讀酈道元水經名川支渠貫穿周匝無有間斷咳唾皆

成珠璣

宋史曰王質字景文其先鄆州人後徙興國質博通經史善屬文與張孝祥父子游深見器重

孝祥將薦質舉制科會去國不果虞允文當國欲用為右正言中貴人陰沮之出為通判荆南府

趙汝愚嘗稱劉光祖論諫激烈似蘇子瞻懇惻似范祖

禹世以為知言

宋史曰劉光祖字德脩簡州陽安人為右正言上章言事讀之有流涕者劾戶

部尚書葉翦太府卿沈揆結近習圖進用言比年以來士大夫不慕廉靖而慕奔競不尊名節而尊爵位不樂公正而樂軟美不敬君子而敬庸人既安習以成風謂苟得為至計良由老成零落後生晚進議論無所據依學術無所宗主正論益衰士風不競幸詔大臣妙求人物必朝野所共屬賢愚所同敬者一二十人參錯立朝國勢自壯臣雖終歲無所叅糾固亦未至曠官今日之患在於不封殖人才臺諫但有摧殘廟堂初無長養臣處當言之地豈以排擊為能哉

御史胡紘希韓侂冑意誣趙汝愚久蓄邪心嘗語人以乘龍授鼎之夢又言朝士中有推汝愚宗派出楚王元佐爲正統所在蓋指游仲鴻也初欲直書仲鴻名張孝伯見之曰書其名則竄矣凡阿附宰相本冀官爵此人

沉埋六院且二年心迹可察遂不書仲鴻名

宋史曰游仲鴻字子

正南充人趙汝愚一見即敬之汝愚在樞密謂仲鴻直諫多聞訪以蜀中利病汝愚欲親出經畧西事仲鴻曰宥密之地幹旋者易公獨不聞呂申公經畧西事當在朝廷之語乎汝愚悟而止除利路提點刑獄而卒劉光祖表其隧道曰慶元黨人游公之墓

趙汝愚罷相游仲鴻力求外除朱仲晦聞其出歎曰信  
蜀士之多奇也

謝枋得豪爽性好直言每與人論古今治亂及天下事

必掀髯抵几跳躍自奮徐霖嘗稱之曰謝君如驚鶴摩霄

不可籠繫

謝枋得已見

宋史曰至元二十五年福建

行省叅政管如德將旨如江南求人材留夢  
炎以枋得薦枋得遺書夢炎曰江南無人材求一瑕呂  
飴甥程嬰杵臼廝養卒不可得也紂之亡也以八百國  
之精兵而不敢抗二子之正論武王太公凜凜無所容  
急以興滅繼絕謝天下殷之後遂與周並立使三監不  
叛武庚必不死殷命必不黜夫金人之待二帝亦慘矣  
我宋今年遣使祈請明年遣使問安王倫一市井無賴

小人謂梓宮可還太后可歸終則二事皆符其言今一王倫且無之則江南無人材可見也吾年六十餘所欠一死耳豈復有他志哉終不聽

董師中小時敏悟右相唐古額爾袞尤器重之撫其座

曰子議論英發襟度開朗他日必居此座

金史曰董師中字紹祖洛

州人少膽敏好學強記擢皇統進士官尚書左丞謚文定

黃文獻平居和易煦如陽春然剛中少容觸物或弦急及升朝行挺立無所附足不登勢人之門一時稱其高

風勁節如冰壺玉尺纖塵弗汚

元史曰黃潛字晉卿婺州義烏人母童氏夢大

星墜于懷乃有娠潛生而俊異迨長以文名于四方與同郡柳貫臨川虞集豫章揭傒斯齊名人號儒林四傑官侍講學士謚文獻

元仁宗嘗目趙子昂操履純正博學多聞書畫絕倫旁通釋老求之當代罕見其儔


胡汲仲謂趙子昂書上下五百年從橫一萬里舉無此書

趙子昂嘗語人曰姚子敬天資高爽相見令人怒不見令人思

鮮于伯機

鮮于樞  
已見

目趙子昂神情簡遠是神仙中人



語林卷十七